

四十五

80

道

太宗諸子列傳第五

唐書百八十

瑞明殿學士兼翰林侍讀學士龍圖閣學士胡請入

部侍郎充集賢殿直學士

都奉

訪撰

太宗十四子文德皇后生承乾又生第四子泰高
宗皇帝後宮生寬楊妃生恪又生第六子愔陰妃
生祐王氏生惲燕妃生貞又生第七子賢陰妃
生慎後宮生燕間楊妃生福楊氏生明

常山敗王承乾字高明生承乾殿即以命之武德
三年始王常山郡與長沙置都一王同封俄徙
中山太宗即位立為皇太子年八歲特敏惠帝舜

之在諒闇使裁決庶政有大過後每行幸則令監
國及長好聲色慢游然懼帝秘其迹臨朝言諄諄
必忠孝退乃與羣不逞狎慢左右或進諫危坐歛
容痛自咎飾非辯給諫者拜咎不暇故人入以為
賢而莫之察後過惡浸聞官臣若孔穎達令狐德
恭于志寧張玄素趙弘智王仁表崔知機等皆天
下選每規爭承乾帝必厚賜金帛欲以厲其心承
乾慙不悅往往遣人陰圖害之時魏王泰有美名
帝愛重而承乾病足不良行且懼廢與泰交惡泰
亦謀奪長各樹黨東宮有俳兒善安首承乾雙屐

帝聞震怒收兒殺之坐死者數人承乾意為泰告
望甚內念兒不已築室圖其象贈官樹碑為起家
苑中朝夕祭承乾至其處裴回涕數行下愈怨懟
稱疾不朝累數月又使戶部數十百人習音聲學
胡人梳髮前羽綵為舞衣尋撞跳劍鼓鞞聲通晝夜
不絕造大銅鑪六熟鼎招亡效盜取人牛馬親視
享得召所幸厮養共食之又好突厥言及所服選
貌類胡者被以羊裘辮髮五人建一落張氍毹造
五狼頭毒縣分戟為陣繫幡旗設宮虞自居使諸部
斂羊以其抽佩刀割肉相啗承乾身作可汗死使

眾號哭勢面奔馬環臨之忽復起曰使我有天下
將數萬騎到金城然後解髮委身思摩當一設顧
不快邪左右私相語以爲妖又裝氈爲鎧列丹幟
勤部陣與漢王元昌分統大呼擊刺爲樂不用命
者披樹扶之或至死輕者輒符囚之嘗曰我作天子
當肆吾欲有諫者我殺之殺五百人豈不定人召
壯士左衛副率封師進刺客張師政紇干承基等
謀殺魏王泰不克遂與元昌侯君集李安儼趙節
杜荷饒臂血誦之謀以兵入西宮貞觀十七年齊
王祐反齊州承乾謂承基集我宮西牆去大內王

可二十步轉耳豈與齊州等會承基連齊王事繫
獄當死即變帝詔長孫无忌房玄齡蕭瑀李勣
孫伏伽岑文本馬周褚遂良雜治察爲無人徒黔
州十九年死帝爲廢朝葬以國公禮子象爲懷州
別駕鄂州別駕開元中象子適之爲宰相贈還
承乾始王象越州都督郇國公

楚王寬武德三年出後楚哀王蚤薨貞觀初追封
鬱林王恪始王長沙俄進封漢貞觀二年徙蜀與
越燕二王同封不之國久乃爲齊州都督帝謂左
右曰吾於恪豈不欲常見之但令早有定分使外

作藩屏吾百歲後庶兄弟無危亡憂十年改王吳
與魏齊蜀蔣越紀六王同徙封授安州都督帝賜
書曰汝惟茂親勉思所以藩王室以義制事以禮
制心外之爲君臣內之爲父子今當去膝下不遺
汝珍而遺汝以言其念之哉坐與乳媪子博塞罷
都督削封戶三百高宗即位拜司空梁州都督恪
善騎射有文武才其母隋煬帝女地親望高中外
所向帝初以晉王爲太子又欲立恪長孫无忌固
爭帝曰公豈以非己甥邪且兒莫果類我若保護
舅氏未可知无忌曰晉王仁厚守文之良主且舉

基未定則敗況儲位乎帝乃止故元忌常惡之永
徽中房遺愛謀反因遂誅恪以絕天下望臨刑呼
曰社稷有靈无忌且族滅四子仁瑋琨瑒並流嶺
表顯慶五年追王鬱林爲立廟以河間王孝恭孫
榮爲鬱林縣侯以嗣神龍初贈司空備禮改葬光
宅中仁遇赦還適會榮以罪斥故得龍鬱林縣男
歷岳州別駕爵郡公嘗使江元州人遺以金鉅不
內武后遣使者勞曰兒吾家千里駒更名千里自
天授後宗室賢者多株翦准千里詭躁不情數進
符瑞諸異物得免中宗反正改王成紀未幾進王

成節愍太子誅武三思千里與其子天水王禧率
數十人斬右延明門以入太子敗誅死籍其家改
氏睿宗立詔還氏及官爵瑋蚤奉中宗追封劄
陵王子袞出繼蜀王愔開元中以傍繼國政改封
廣漢郡王遷太僕卿同正負靈琨武后時登六州
刺史皆有名聖曆中爲嶺南招慰使安輯反獫甚
得其宜卒賜司衛總神龍初贈張掖郡王開元中
以子禕貴追封吳王

禕少有志尚事繼母謹撫異母弟祗以交稱當襲
封國然中宗嘉其意特封嗣江王以繼器後開

元時亦以傍繼徙信安郡王累爲州刺史治嚴辦
遷禮部尚書朔方節度使初吐蕃據石堡城數盜
塞詔禕與河西隴右議攻取既到屯諷日進師或
謂城險賊所愛必固守今兵深入有若不捷吾軍
必弊不如持重伺賊勢禕曰人臣之節豈憚險不
進乎必衆寡不敵者吾以死繼之於是分兵遮賊
路督諸將倍道進遂拔之自是河隴諸軍游弈拓
地至千里玄宗喜更號其城曰振武軍契丹牙官
可突于叛詔拜忠王爲河北道行軍元帥討之敕
禕以副王不行故禕率裴耀卿諸將分道出范陽

北擊二蕃破之禽酋長以還餘部竄伏加開府儀
同三司領關內支度營田採訪處置使授二子官
禕功多執政害之賞不讎爲當時所恨久之擢兵
部尚書爲朔方節度大使坐事下除衢州刺史歷
滑懷二州天寶初以太子少師致仕明年遷太師
未拜薨禕治家嚴教子有法度故岺澤峴皆顯
性質厚慈官有美名以王孫封趙國公揚國忠
亂政悉斥不附己者岺由考功郎中拜睢陽太守
以清簡爲二千石最方人計而玄宗入蜀即走行
在除武部侍郎兼御史大夫俄拜蜀郡太守劔南

節度採訪使郭千仞反與陳玄禮共討平之上皇
還京遷戶部尚書改越國乾元元年持節都統江
淮節度宣慰觀察使都統之號自岺始明年宋州
刺史劉裘有異志詔拜裘爲淮南節度使密詔岺
與揚州長史鄧景山圖之時裘強邑旣受詔即悉
兵度淮岺景山拒之戰壽春敗績岺走丹揚詔貶
表州司馬卒于官贈揚州大都督弟峴別傳
祗封嗣吳王出爲東平太守安祿山反河南陳留
滎陽靈昌相繼陷祗募兵拒賊玄宗壯之累遷陳
留太守持節河南道節度採訪使遷太僕宗正卿

代宗大曆時祇旣宗室老以太子賓客爲集賢院待制是時勳也大臣無職事者皆得待詔于院給殮錢署舍以厚其禮自左僕射裴冕等十三人爲之子獻以蔭補五品官祇薨兄祐得罪乃以嚙嗣王累至宗正卿檢校刑部尚書薨贈太子少保性介直面刺人短鑿官清白居室不能庇風雨收恤甥姪慈愛過人家無留儲公卿合賻乃克葬境神龍初封歸政郡王憲宗正卿坐千田事貶南州司馬

漢恭王泰字惠襲始王宜都徙封衛繼懷王後又

徙封越爲揚州大都督再遷雍州牧在武惟大將軍改王魏帝以泰好士善屬文詔即府置文學館得自引學士又以泰大腰腹聽乘小輿至朝司馬蘇勗勸泰延賓客著書如古賢王泰乃奏撰括地志於是引著作郎蕭德言祕書郎顧胤記室參軍蔣亞弼功曹參軍謝偃等撰次衛尉供帳光祿給食士有文學者多與而貴游子弟更相因藉門若市然泰悟其過欲速成乃分道計州緝緝疏錄凡五百五十篇登四其成詔藏祕閣所賜萬段後帝幸泰延康坊第由赦長安死罪免坊人一年租府

僚以差賜帛又秦月稟過皇太子遠其諫議大夫
隋遂良諫曰聖人尊嫡卑庶謂之儲君故用物不
會與王共之庶子不得爲比所以塞嬖萌杜禍源
先王制法本諸人情知有國家者必有嫡庶庶子
雖愛不得過嫡子如當親者疏當尊者卑則私恩
害公或志亂國令魏王回稟料過更言議者以爲非
是昔漢宣貴太后愛梁王封四十餘城王築苑三百
里治宮室爲複道費財鉅萬出警入蹕一不得意
遂發病死宣帝亦驕淮陽王幾至於敗
之臣乃克免今魏王新出閣且當示以節儉自可

在後月加歲增又宜擇師傅敦以謙以勉以文學就
成德與此所謂聖人之教不肅而成也帝又敕泰
入居武德殿侍中魏徵亦言王爲陛下愛子欲安
至之則不當使居嫌疑之地今武德殿在東宮之
西昔海陵居之矣論者爲不可雖時與事異人之
多言尚或可畏又王之心亦弗違吾願罷之成王
以寵爲懼之美帝悟乃止時皇太子承乾病寒泰
以計傾之乃引駙馬都尉柴令武房遺愛等布腸
心而韋挺杜楚客相繼攝府事二人者爲泰要結
中朝臣津介賂遺愛等臣更付爲朋黨承乾懼陰遣

人稱秦府典義詣玄武門上封帝省之書言秦罪
帝怒即遣捕詰不獲既而太子敗帝陰許立秦參
文本劉洎請遂立秦為太子長孫无忌同欲立晉
王帝以太原石文有治萬一復欲從无忌秦微知
之因語晉王爾善元昌得無及乎王憂其帝怪之
以故對帝無然悟會召承乾譴勸承乾曰臣貴為
太子尚何求但為秦所圖與朝臣謀自安爾無狀
之人遂教臣為不軌事若秦為太子正使其得計
耳帝曰是也有如立秦則副君可詭求而得使秦
也立承乾治俱死治也立秦承乾可無它即幽秦

將作監解雍州牧相州都督左武侯大將軍降王
東萊因詔自令太子不道藩王窺望者兩棄之著
為令然帝猶謂无忌曰公勸我立雉奴雉奴仁懦
得無為宗社憂奈何雉奴高宗小字秦尋改王順
陽居均州之鄆鄉帝嘗持秦表語左右曰秦文辭
可喜豈非才士我心念秦無已時但為社稷計遣
居外使兩相完也二十一年進王濮高宗即位詔
秦開府置僚屬車服羞膳異等薨鄆鄉年三十五
贈太尉雍州牧二子攸徽攸嗣王武后時為酷吏
所陷貶昭州別駕薨子嶠神龍初得嗣王開元中

為國子祭酒以罪貶鄧州別駕燕徽封新安郡王
庶人祐字贊武德八年王且陽進王楚又王燕已
乃封齊領齊州都督貞觀十一年始歸國明年入
朝以疾留京師其舅尚書右長陰弘智儉人也說
祐曰王兄弟多即上萬歲後何以自全要須得士
自助乃引家燕弘信謁祐祐悅賜金帛使募劍客
十五年還州初帝用王府長史司馬必取骨鯁敢
言者有過失輒聞而祐溺羣小好弋獵長史薛大
鼎屢諫不聽帝以輔王無狀免之更用權萬紀萬
紀性剛急以法繩祐有外君莫梁益猛虎者騎射得

幸萬紀片之祐私引與狎昵帝數以書讓祐萬紀
恐并獲罪即說祐曰王上愛子上欲王改悔故數
教責王誠能飭躬引咎萬紀請入朝言之上意宜
解祐因上書謝罪萬紀見帝言祐且自新帝悅厚
賜萬紀而仍譴戒祐祐聞萬紀見勞而已蒙責以
為賣己益不平會萬紀又以疑貳擊君篡等制祐
不出國門悉暴祐罪于朝祐不勝忿有詔刑部尚
書劉德威臨訊類實帝召祐萬紀還京師祐與燕
弘亮等謀射殺萬紀支解之左右勸祐遂發兵乃
募城中男子年十五以上悉發私署左右上柱國

光祿大夫開府儀同三司托東托西等主并庫貲
行賞驅人築堞浚隄繕甲兵人惡之皆夜頌亡去
詔兵部尚書李勣與劉德威發便道兵討之祐曰
夜引弘亮等五人對其妃宴樂語官軍則弘亮妄
言王母憂右手持酒咱左手刀拂之祐信愛弘亮
聞之喜帝手敕祐曰吾常戒汝勿近小人正爲此
耳往吾子今國難我上慙皇天下愧后土題畢涕
而遣祐檄諸縣縣輒以聞祐窮蹙上表曰臣帝子
也爲萬紀讒構上天降靈罪人斯得臣狂失心
悅驚悸左右無兵即欲顛走所以頓仗械以自衛

護時勣未至而青淄等州兵已集或勸祐虜子女
走且子旣爲盜計未決兵曹杜行敏夜勒兵鑿垣
入祐與弘亮等閉門拒至日中行敏呼曰吾爲國
討賊不速降且焚士積薪祐乃出執送京師賜死
內侍省貶爲庶人葬以國公禮詔齊州給復一年
擢行敏巴州刺史封南陽郡公祐喜養鬪鴨方未
反狸齧鴨四十餘絕其頭去及賊牽連誅死者凡
四十餘人祐之亂州人羅石頭數祐罪以刀直前
刺祐不克殺之詔贈亳州刺史嘗引騎徇邑聚野
人高君狀曰上親平寇難土地甲兵不勝計今王

以數千人為亂循一手搖泰山又如君父何祐擊禽之愧其言不能殺詔擢掄社令

蜀悼王愔自觀五年始王梁與郟漢申江代五王同封徙王蜀實封八百戶出為岐州刺史數畋游為非法帝頻責教不悛怒曰禽獸可擾於人鐵石可為器惜曾不如之乃削封戶及國官半徙虢州久之還戶增至千復出馳弋敗民稼典軍揚道整叩馬諫愔摔擊之御史大夫李乾祐劾愔罪高宗怒貶黃州刺史擢道整臣道府折衝都尉吳王恪得罪愔以母弟廢為庶人徙巴州俄封涪陵王薨

咸亨初復爵土贈益州大都督陪葬昭陵以子璿嗣王璿武后時謫死歸誠州神龍初以劾陵王禕子瑜嗣

蔣王惲始王恕又徙王蔣拜安州都督賜實封千戶永徽三年徙梁州惲造器物服玩多至四百車所經州縣騷然護送為有司劾奏詔貸不問上元中遷箕州刺史錄事參軍張君徹誣告惲反詔使者按驗惲惶懼自殺高宗知其枉斬君徹贈惲司空荊州大都督陪葬昭陵三子煒煌休道煒初王汝南郡惲薨遂嗣王為武后所害神龍初以嫡孫

紹宗爲嗣將王堯子欽福嗣爲率更令煌封蔡國
公孫之芳有令譽安祿山奏爲范陽司馬祿山反
自拔歸京師歷工部侍郎太子右庶子廣德初詔
兼御史大夫使吐蕃被留一歲乃得歸拜禮部尚
書改太子賓客休道子琚神龍初封嗣趙王開元
中改王中山

越王貞始王漢後徙原已乃封越貞善騎射涉文
史有吏幹爲宗室材王武后初遷累太子太傅豫
州刺史中宗廢在房陵貞乃與韓王元嘉及王子
黃公讓曹王重暹夏王子范陽王諷霍王元軌王子

江都王緒及子琅邪王沖計議反正垂拱四年明
堂成悉追宗室行享禮共殺之遂大誅戮不遺種
事且急譟乃矯帝玺書賜沖曰朕幽執諸王宜即
起兵於是命長史肅德琮募兵告諸王師期八月
沖光發諸王莫有應者獨貞將兵攻上蔡破之而
沖已敗貞稍徇屬得七千列五營貞爲中營以
裴守德爲大將軍領中營趙成美爲左中郎將領
左營閻弘道爲右中郎將領右營安摩訶爲郎將
領後軍王孝志爲右將軍領前軍以韋慶禮爲司
馬署官五百然皆誘無鬪志家童皆佩符以辟兵

九月后遣左豹韜衛大將軍麴崇裕夏官尚書岑
長倩率兵十萬討之以鳳閣侍郎張光輔為諸軍
節度乃下詔削貞父子屬籍改氏虺崇裕等次豫
州貞少子規及裴守德拒戰兵潰貞乃閉門守守
德者驍勇士貞始起以女妻之委以腹心至是欲
殺貞自贖會軍薄城家人白貞今事乃爾王豈受
戮辱者邪即仰藥死規自殺守德與主俱縊起凡
二十日敗始貞臨水自鑿釜不見其首惡之未幾及
禍冲貞長子也好學勇而才思遷博州刺史初發
有士五千度河趣武水武水令告急魏州州遣送

令馬玄素領兵先乘城冲攻之因風積薪焚其門
火作風反衆心沮解其屬董元寂誦言王與國家
戰乃反爾冲斬以徇衆懼遂潰唯家僮數十從之
乃走博州為當關刺死后命立神勳討之兵未至冲
已死起七日敗二精温精常山公坐死温以前弟
告流嶺南初貞騰檄壽州刺史趙瓌諭以興兵且
假道瓌得檄許為應瓌妻常桑長公主亦趣諸王
蚤立功故瓌與王皆死齊州刺史薛顛與其弟紹
謀應冲率所部庸調治兵募士冲敗下獄死顛附
馬都尉瑾之子母城陽長公主封河東縣侯紹尚

太平公主擢累右王鈴衛貞外將軍以主婿不加
戮餓死河南獄神龍初敬暉等奏冲父子死社稷
請復爵土為武思等沮罷開元四年乃復爵土
有司謚死不忘君曰敬五年又詔王嗣絕國除朕
甚悼焉其以貞從孫故許王子夔國公琳嗣王奉
王祀琳薨爵不傳貞最幼息珍子謫嶺表數世不
能歸開成中女孫持四世喪北還來附王坐詔嘉
憫宗正寺京兆府為訪其兆非陪陵者聽葬女
名元真為道

紀王慎始王申徙紀食戶八百貞觀中遷襄州

刺史以治嘗言天子爾重書勞勉人為立石頌德二
十三年進戶至千文明初田余遷太子太師具州刺
史慎少好學善星步與越王齊名當世號紀越初
貞運諸王起兵慎知時未可獨拒不與合將就誅
而免改氏虺載以檻車謫巴州薨于道七子續琮
徽秀獻欽證續與秀最知名續王東平歷和州刺
史薨琮義陽王徽楚國公秀襄陽郡公獻廣化郡
公欽建平郡公五人並為武后所殺神龍初以證
嗣王權左驍衛將軍薨子行同嗣琮三子行遠行
芳行休始琮與二弟同死桂林開元四年行休復

身迹既至無封樹議者謂不可復得行休歸地
布席以祈是夜夢王乘舟舟判爲二既而適野見
東洲中斷乃悟焉又靈堂鎖一夕室自屈管上有
指迹一竒二並使卜人筮之曰屈於文爲尸出指
者示也一竒二並三殯也先王告之矣乃趣其所
發之如言而一節獨闕行休號而寢夢琮告曰在
洛南洲明日直隕南得之於是三喪歸陪葬昭
陵贈琮陳州刺史永昌時行遠行芳在雋州六道
使至行遠先就戮行芳幼嘗赦抱持請代遂與俱
死西南人稱究悌云慎文東光將主始八歲聞慎

有疾不食父哀之給云已愈王察顏色未平終不
肯御內外稱之長適太子司議郎裴仲將時妃主
多恃貴以奢豫相矜主獨儉素姊弟謂曰人主富
貴在得志獨勤苦欲何求答曰我幼好禮今行之
不違非得志謂何且自古賢妃淑女以恭遜著名
驕縱敗德況榮寵貴盛儻來物也可恃以凌人乎
及王死號慟嘔血數升免喪絕膏沐者二十年始
諸王妃主自垂拱後被言者皆棄掩之神龍初詔
州縣普加求訪祭以牲牢復官爵諸王皆陪葬昭
獻二陵主聞感動卒數其子曰爲我謝親戚酷憤

已雪下見先王無恨矣中宗為舉

章善門下詔

褒揚

江陽王貴封之明年薨無後

代王簡已封薨無後

趙王福貞觀十三年始王出後隱太子遷累梁州

都督實封八百戶薨贈司空并州都督陪葬昭陵

無子神龍初以蔣王暉孫思順嗣王

曹王明母本巢王妃帝寵之欲立為后魏徵諫曰

陛下不可以辰嬴自累乃止貞觀二十一年始王

曹累為都督刺史高宗詔出後巢王永隆中坐太

子賢事降王零陵徙黔州督謝祐逼殺之帝聞

悼甚黔官吏皆坐免景雲中陪葬昭陵三子後傑

備俊嗣王南州別駕傑為黎國公垂拱時並及誅

神龍初以傑子胤為嗣曹于是時諸王子孫自嶺

外還入見中宗皆號慟帝為泣下初武后時壯者

誅死幼皆沒為官奴或匿人間庸保至是相繼出

帝隨屬遠近封拜云後備自南還詔停胤封而封

備歷衛尉少卿同正負薨開元十二年復封胤薨

子戢嗣任左衛率府中郎將子臯嗣

臯字子蘭少補左司禦兵曹參軍天寶十一載嗣

王事母太妃鄭以孝聞安祿山反奉母逃民間閒
走蜀謁玄宗由都水使者遷左領軍將軍上元初
旱歉臯祿不足養請補外不許乃故抵輕法貶溫
州長史俄攝州事州大饑發官廩數十萬石賑餓
者僚史叩庭請先以聞臯曰人日不再食且死何
俟命後發哉苟殺我而活衆其利大矣既貸乃自
劾優詔開許就進少府監時殿中侍御史李鈞與
其弟京兆法曹參軍鐸官既遂不肯還鄉母窮不
自給臯行懸見之歎曰入則孝出則悌有餘力則
學若二子者可與事君乎哉舉劾之並錮死召還

未得見即上書言治道詔授衡州刺史為觀察使
謾劾貶潮州會楊炎起道州為宰相知臯直復用
為衡州刺史初御史覆訊臯懼憂其母出則囚服
入乃衣冠貌言如平常及為潮以遷入告至是復
位乃言其實建中元年進拜湖南觀察使前帥辛
京臯貪虐使部將王國良戍武岡賴其富即劾以
死國良恐據縣反斂荆黔洪桂兵討之再歲不能
下臯至遺書曰觀將軍非敢大逆者特逃讒抗死
爾將軍遇我可以降我國為京臯誣者幸蒙雪何
忍以兵加將軍哉以為不然我以陣術破將軍陣

以攻法魯將軍城非將軍所度也國良得書喜且
畏因請降然內尚首鼠臯即日單騎稱使者造國
良壘賊延使者入臯大呼其軍曰有識曹王者乎
乃我也來受良降良今安在一軍愕眙不敢動國
良迎拜叩頭請罪臯執手約為昆弟則盡焚攻守
具散其兵有詔赦之賜名惟新明年持母喪至江
陵會梁崇義反奪為左衛大將軍復觀察湖南李
希烈反遷江西節度使受命日不宿家至豫章大
令將吏曰有功未申與懷器謀不發者皆自言
禪按伊慎李伯潛劉曼悉補大將擢王鏐為中軍

以馬奔許孟容為幕府治戰艦哀兵二萬以三
千五百委慎等教之自將五百人教以秦兵團力
法然其賞罰弛張如一乃約以五百人擊慎卒二
千五百莫能當其鋒即盡以教之初慎嘗從希烈
平襄州至是希烈懼為臯用即反聞德宗信之將
誅慎臯請赦之使自効會與賊夾江陣臯勉慎立
功以所乘馬及器鎰賜之使將先鋒斬賊數百級
乃免賊搗蔡山不可攻臯聲言西取斬引兵艦循
淮泝江上賊聞以羸師保柵悉軍行江北與臯直
西去蔡山三百里臯遣步一悉登舟順流下攻蔡

山拔之間一日賊救至遂大敗乃取蘄州降其將
李良平黃州兵益振會舒王為元帥授臯前軍兵
馬使俄而天子狩奉天鹽鐵使包佶為陳少游所
窘以運糧沂江次蕪口希烈使杜少誠將步騎三
萬將絕江道臯遣伊慎安七千禦于永安走之以
功進工部尚書帝駐梁州臯之貢助相望以天子
處外乃不敢居城府出屯西塞山大洲徙郡縣為
軍市改戶部尚書又遣伊慎王鏐攻安州未下希
烈遣劉戒虛以步騎八千援之臯命李伯潛迎擊
於應山俘之遂下安州斬偽刺史王嘉祥希烈別

遣兵援隋州臯破之厲鄉因下平靜白鴈關賊遂
不敢南畷遷荆南節度使賜實封三百戶凡戰大
小三十二取州五縣二十斬首三萬三千禽生馬
六千未嘗敗師所過不敢伐桑棗踐禾稼朝廷仰
食江淮而西道出九江至天別皆與賊接臯轉戰
數千里餉路遂通江漢倚臯為固淮西平乃請護
喪歸東都帝走中人賜弟訖苑來朝還就鎮初江
陵東北侯漢有古鄣不治歲輒溢臯脩塞之得其
下良田五千頃規江南廢洲為廬舍構二橋跨江
而流人自古者二千餘家縣荆抵樂鄉二百里其

閒墟聚凡數十不井飲臯始命鑿井以使人貞元
初吳少誠擅蔡故徙臯鎮山南東道割隋汝以益
軍練兵時糧市回鷄馬以益戰騎歲時太畋以教
士少誠畏之臯性勤儉能知人疾苦參聽微隱盡
得吏下短長其賞罰必信所至常平物估豪舉不
得擅其利教爲戰艦挾二輪蹈之鼓水疾進駛于
陣馬有所造作皆用省而利長以物遺人必自視
衡量庫帛皆印署以杜吏謾扶風馬羸并未知名臯
識之卒以正直稱張柬之有園圃在襄陽臯嘗宴
集將市取之羸曰漢陽有中興功今遺業當百出

共保柰何使其子孫驚乎臯謝曰主吏失詞以爲
君羞微君安得聞此言卒年六十贈尚書右僕射
謚曰成臯嘗自創意爲歌器以象上出五觚下銚
圓爲孟形所容二且少則水弱多則彊中則水器
力均雖動搖乃不覆云子象古道古象古元和
中自衡州刺史權安南都護貪縱不法羅州刺史楊
清者蠻苗也象古思其豪召爲牙門常鬱鬱思
亂會討黃賊象古發甲助之乃授清兵三千清與
子志烈還襲安南殺象古并其家詔赦清爲瓊州
刺史以柱仲武爲都護清拒命仲武分諭渠酋兵

皆附破城斬清夷其族道古舉進士獻書闕下擢
校書郎集賢院學士累遷司門員外郎歷利階唐
睦州刺史郎公綽鎮鄂岳為飛譖上聞憲宗欲
代之裴度言嗣曹王臯嘗能以江漢兵制李希烈
威惠在人今以其子將必有功會道古自黔中觀
察使入朝乃代公綽倍道入軍公綽惶遽出射
貲皆被奪元和十二年攻申州破其郭進圍中城
守卒夜驅女子登而譟發繯門以出道古衆亂多
死於賊李聽守安州未嘗敗道古誣逐之自將出
木陵關士卒驕不能制又度支錢道古悉以饋權

倖故賜不給其下怨怒戰不甚力賊亦易之故
入申不能下卒無功淮西平加檢校御史大夫召
為宗正卿左金吾將軍帝喜服餌道古欲自媚而
所善柳泌自謂能化金為不死藥乃因宰相皇甫
鏗以聞俄會帝崩穆宗為太子惡之既立誅泌貶
鏗斥道古為循州司馬終以服丹歐血死長慶初
詔還其官道古巧于宦便佞傾下游公卿間常與
弈博偽不勝厚進所償嗜利者多得其懽心故少
姿美名及死膏肓以葬

太宗諸子列傳第五

太宗諸子列傳第六

唐書八十一

端明殿學士兼翰林侍讀學士龍圖閣學士判諸道大案尚書

部侍郎兼集賢館脩撰臣等

郭奉

駁撰

高宗八子後宮劉生忠鄭生孝楊生上女垂蕭淑妃
生素節武后生弘賢中宗皇帝睿宗皇帝

燕王忠字正本帝始為太子而忠生宴宮中俄而
太宗臨幸詔曰臣曰朕始有孫欲其為樂酒酣帝
起舞以屬羣臣在位皆舞賚賜有差貞觀二十年
始王陳永徽初拜雍州牧王皇后無子后舅柳奭
說后以忠母微立之必親已后然之請於帝又奭

與褚遂良韓瑗長孫无忌于志寧等繼請遂立為
皇太子右廢武后子弘甫三歲許敬宗希后旨建
言國有正嫡太子宜同漢劉彊故事帝召見敬宗
曰正嫡若何對曰正本則萬事治太子國本也且
東宮所出微今知有正嫡不自安竊位而不自安
非社稷計帝曰忠固自讓敬宗曰能為太伯不亦
善乎以是降封梁王弘甫都督賜甲第實封戶二
千物二萬段俄徙房州刺史忠憊懼不聊生至衣
婦之衣備刺客數有以夢嘗自占事露發為庶人
囚黔州承乾故宅麟德初宦者王伏勝得罪於武

后敬宗乃誣忠及上官儀與伏勝謀反賜死年三
十二無子明年太子弘表請收葬許之神龍初追
封又贈太尉揚州大都督

原悼王孝承徽元年始王許與北雍二王同封早
薨神龍初追封及謚

澤王上金始王祀永徽二年遷領益州大都督鑿
磨壽一州刺史武后廢金始王故有司誣奏削封邑
徙置澧州久之石陽王上金始王表祀王上金鄱陽
王素節聽朝集義馮上金始王表祀王上金鄱陽
上金為沔州刺史素節上金始王表祀王上金鄱陽

崩詔上金素節一人至北齊武成元年從三畢又
徙王澤歷五州刺史載初武成嗣周武成上
金素節謀反及繫御史獄一人聞素節已被殺即
推經七子並流死顯州神龍初追還官爵以子義
珣嗣王義珣始被謫匿身為傭保而嗣許三權利
其爵邑告義珣假冒復流於外開元初以素節子
璆為後而王貞公士表義珣實上金子不奪璆爵
復使義珣嗣王澤率更令黃子德嗣
許王素節始王雍授雍州牧方羈外即誦書曰千
言師事徐齊聃淳勉自彊帝愛之轉岐州刺史更

王郁母被譖死出素節為申州刺史乾封初詔素
節病無入朝而實不病乃著忠孝論自明倉曹參
軍張東之以聞欲帝省其誣武后滋不悅坐受黜
降王鄱陽削封戶什七徙置袁州錮終身儀鳳三
年為岳州刺史更王葛又徙王歷三州刺史與上
金同追逮赴都道聞遭喪哭者謂左右曰病死何
可得而須哭哉至龍門驛被縊年四十三葬以庶
人禮子瑛等九人並誅惟琳璠璆欽古尚幼長囚
雷州中宗復位追故封又贈開府儀同三司許州
刺史陪葬乾陵詔璠嗣王實封戶四百開元初封

琳爲嗣越王瑒嗣澤王琳至右監門衛將軍子隨
封夔國公瓘爲衛尉卿以抑上金子不得封貶鄂
州別駕因詔外繼嗣王者皆歸宗乃以嗣江王禕
爲信安王嗣蜀王瑜爲廣漢王嗣密王徹爲濮陽
王嗣曹王臻爲濟國公嗣趙王瑒爲中山王武陽
王繼宗爲澧國公瓘累遷太子詹事薨贈蜀郡大
都督二子解需皆幼以瑒子益嗣天寶十四載解
始襲王瑒初封嗣澤王降爲郢國公官宗正光祿
卿進封襄信王初張九齡撰龍池頌刊石興慶宮
宗子以爲不稱盛德更命瑒爲頌建花萼樓北天

寶初復拜宗正卿性友弟聰敏宗子有一善無不
薦延故宗室在省闈者多瑒所啓薨贈江陵郡大
都督二子謙爲郢國公梓州刺史巽汝南郡公欽
古封巴國公子賁嗣

孝敬皇帝弘永徽六年始王代與潞王同封顯慶
元年立爲皇太子受春秋左氏於率更令郭瑜至
楚世子商臣弒其君喟而發卷曰聖人垂訓何書
此邪瑜曰孔子作春秋善惡必書褒善以勸貶惡
以誠故商臣之罪雖子載猶不得滅弘曰然所不
忍聞願讀它書瑜拜曰里名勝母曾子不入殿下

睿孝天資黜凶悖之迹不存視聽臣聞安上治民
莫善於禮故孔子稱不學禮無以立請改受禮太
子曰善四年加元服又命賓客許敬宗右庶子許
圜師中書侍郎上官儀中舍人楊思儉即文思殿
摘采古今文章號嵒山玉彩凡五百篇書奏帝賜
物三萬段餘臣賜有差又詔五日一赴光順門決
事總章元年釋采國學請贈顏回爲太子少師曾
參太子少保制可曾有司以征遼士亡命及亡命
不即首者身殊死家屬沒官弘諫以爲士遇病不
及期或被略若溺斃死而軍法不因戰亡則同隊

悉坐法家曰亡命而家屬與負亡者同沒傳曰與
殺不辜寧失不經臣請條別其科無使淪胥詔可
帝幸東都詔監國時關中飢弘視廡下兵食有榆
皮蓬實者悄然命家令寺給米義陽宣城二公主
以母故幽掖庭四十不嫁弘聞貽制建請下降武
后怒即以當上衛士配之由是失愛又請以同州
沙苑分假貧民會納妃裴而有司奏贖費用白鴈適
苑中獲之帝喜曰漢獲朱鴈爲樂府歌今得白鴈
爲婚贖婚乃人倫首我則無慙禮畢曲赦歧州帝
嘗語侍臣弘仁孝實禮大臣未嘗有過而后將驍

志弘奏請數佛旨上元二年從幸合璧宮遇酖薨
年二十四天下莫不痛之詔曰太子嬰沈瘵朕須
其痊復將遜于位弘性仁厚既承命因感結疾日
以加宜申徃命謚為孝敬皇帝葬絳氏墓號恭陵
制度盡用天子禮百官從權制二十六日釋服帝
自製睿德紀刻石陵側營陵功費鉅億人狀苦之
投石傷所部官司至相率亡去妃薨謚哀皇后無
子永昌初以楚王隆基嗣中宗立詔以主祔太廟
號義宗開元中有司奏孝敬皇帝宜建廟東都以
謚名廟詔可於是罷義宗號妃即裝居道女有

德而居道以妃故拜內史納言歷太子少保翼國
公為酷吏所陷下獄死

章懷太子賢字明允容止端重少為帝愛甫數歲
讀書一覽輒不忘至論語賢取易色一再誦之帝
問故對曰性喜愛此帝語李世勣稱其夙敏始王
潞歷幽州都督雍州牧徙王沛累進揚州大都督
右衛大將軍更名德徙王雍仍領雍州牧涼州大
都督實封千戶上元年復名賢是時皇太子薨其
六月立賢為皇太子俄詔監國賢於處決尤明審
朝廷稱焉帝手敕褒賜賢又招集諸儒左庶子張

大安洗馬劉訥言洛州司戶參軍事格希玄學士
許叔牙成玄一史藏諸周寶憲等共注范曄後漢
書書奏帝優賜段物數萬時正諫大夫明崇儼以
左道爲武后所信崇儼言英王類太宗而相王貴
賢聞惡之宮人或傳賢乃后姊韓國夫人所生賢
益疑而后撰少陽政範孝子傳賜賢數以書讓勸
愈不安調露中天子在東都崇儼爲盜所殺后疑
出賢謀遣人發太子陰事訖薛元超裴炎高智周
雜治之獲甲數百首於東宮帝素愛賢薄其罪后
曰賢懷逆大義滅親不可赦乃廢爲庶人焚甲天

津橋敗大安普州刺史流訥言於振州坐徙者十
餘人開耀元年徙賢巴州武后得政詔左金吾將
軍立神勣檢衛賢第迫令自殺年三十四后舉哀
顯福門貶神勣豐州刺史追復舊王神龍初贈司
徒遣使迎喪陪葬乾陵睿宗立追贈皇太子及謚
三子光順守禮守義光順爲樂安王徙義豐被誅
守義爲王徙封桂陽薨先天中追封光順言
王守義畏

守禮嗣王始名光仁授太子洗馬武后革命畏疾
宗室而守禮以父得罪與睿宗諸子閉處宮中十

餘年睿宗封相王許出外郎於是守禮等始居外
改司義郎中宗即位復故封拜光祿卿實封戶五
百唐隆元年進封邠王睿宗立兼授左金吾衛
大將軍出為幽州刺史遙兼單于大都護遷司空
開元初累為州刺史時寧申岐薛王同為刺史皆
擇僚首持綱紀守禮惟弋獵酣樂不領事故源乾
曜袁嘉祚潘好禮皆為邠府長史州佐督撫之後
還諸王京師守禮以外支為王不甚才而多寵嬖
子六十餘人無可稱者常負息錢數百萬或勸少
自活產于禮曰豈天子兒無葬者邪諸王每自

以為歡岐王嘗奏守禮知兩賜帝問答曰臣無
它當天后時太子被罪臣幽宮中歲被杖凡四
三累創痕膚前兩則沈瘳則佳以此知之因泣
下帝為惻然薨年七十贈太尉子承家承寧承家
可記者承宏爵廣武王坐交非真人貶房州別駕
還為宗正卿廣德元年吐蕃入京師天子如陝虜
宰相馬重英立承宏為帝以翰林學士于可封霍
瓌為宰相賊退詔致承宏于州死承寧封嗣邠
王承家燉煌王拜宗正卿與懷恩使回紇和
親即納其女為妃封毗伽公主薨贈司空唐制嗣

郡王加四品階親王子服緋開元中張九齡奏等
許及邠王三子為王者賜紫餘皆服緋官不越六
局郎王府掾屬仍負外置後從帝至蜀者皆服紫
中宗四子常廢人生重潤後宮生重福後殤帝在
懿德太子重潤本名重照避武后諱改焉帝為皇
太子時生東宮高宗喜其乳月蒲為大赦天下改
元永淳是歲立為皇太孫開府置官屬帝問吏部
侍郎裴敬彝郎中王方慶對曰禮有嫡子無嫡孫
漢魏太子在子但封王晉懷子為皇太孫齊立
文惠子為皇太孫皆居東宮今有太子又立太孫

於古無有帝曰自我作故若何對曰禮君子抱孫
不抱子孫可以為王父尸者昭穆同也陛下肇建
皇孫本支千億之慶帝悅詔議官屬敬彝等奏置
師傅友文學祭酒左右長史東西曹掾主簿管記
司錄六曹等官加王府一級然卒不補將封嵩山
召太子赴東都以太孫留守京師中宗失位太孫
府廢貶庶人別囚之帝復位封邵王大足中張易
之兄弟得幸武后或譖重潤與其女弟永泰郡主
及主婿竊議后怒杖殺之年十九重潤秀容儀以
孝愛稱誅不緣罪人皆流涕神龍初追贈皇太子

及謚陪葬乾陵號墓為陵贈主為公

譙王重福高宗時徙封平恩長安未乃

進王神龍初帝廢人與張易之兄弟陷重潤貶

濮州貞外刺史徙合均州不領事景龍三年中

宗親郊赦天下十惡者咸宥流入得還重福不得

歸自陳蒼生皆自新而一子擯棄皇天平分固若

此乎不報帝后得政詔左屯衛大將軍趙承恩薛

思簡以兵護守睿宗立徙集州未行洛陽男子張

靈均說重福曰大王居長當惡天子相王雖平

大難安可越居大江昔漢誅諸呂乃東迎代王

百官士庶皆願王來王若陰幸東都殺留守擁兵

西據陝徇河南河北天下可圖也重福又遣靈均

與其黨鄭愔計愔亦密招重福為天子豫尊睿宗

為皇季叔重茂皇太弟制稱中元克復元年愔自

署左丞相知内外文武事以靈均為右丞相天柱

大將軍知出征事其餘以次除署重福自均州與

靈均乘駟趨東都舍駟馬裴巽家洛陽令候巽重

福驚遽出欲劫左右屯營兵至天津橋願從者數

百人侍御史李邕遇之先馳至右屯營呼曰譙王

得罪先帝擅入都為亂公等勉立功取富貴稍稍

閉皇城諸門以拒重福徇右營官不能動趨左掖門
已闔怒縱火燒之左營兵變逼衆遂潰重福走山
谷明日留守裴談摠兵大索投漕渠死年三十一
瘞其屍帝詔以三品禮葬

節愍太子重俊聖曆三年王義興神龍初王衛拜
洛州牧實封千戶俄領揚州大都督明年爲皇太
子以太后喪殺冊禮詔在藩食封歲納東宮給事
中盧蒙上言太子與列國同入封不可爲法詔罷
之重俊性明果然少法度旣楊瓌武崇訓爲賓客
二人馮貴寵無學術惟狗馬蹴鞠相戲昵左庶子

姚珽數上疏諍導右庶子平貞慎又獻孝經議表
德等傳太子納而不克用武三思挾韋后勢將圖
逆內忌太子而崇訓又三思子尚安樂公主常教
主辱重俊以非韋出詈爲奴數請廢自爲皇太女
三年七月重俊恚忿遂率李多祚泊左羽林將軍
李思冲李承況獨孤禕之沙吒忠義矯發左羽林
及千騎兵殺三思崇訓并其黨十餘人使左金吾
大將軍成王千里守宮城自率兵趨肅章門斬關
入索韋后安樂公主昭容上官所在右掖帝升玄
武門宰相楊再思蘇瓌李嶠及宗楚客紀處訥統

兵二千餘人守太極殿帝召右羽林將軍劉仁景等率留軍飛騎百人拒之多祚兵不得進帝據檻語千騎曰爾乃我爪牙何忽爲亂能斬賊者有賞於是士倒戈斬多祚餘黨潰重俊亡入終南山欲奔突厥楚客遣果毅趙思慎追之重俊憩于野爲左右所殺詔殊首朝堂獻太廟并以告三思崇訓柩睿宗立加贈謚陪葬定陵初重俊被害官屬莫敢視惟永和丞竄嘉智助號哭解衣裹其首時人義之楚客怒收付獄貶平與丞卒至是亦贈永和令重俊子宗暉景雲三左封湖陽郡王天寶中至太

常負外御薨

睿宗六子肅明皇后生憲宮人柳生携昭成皇后生玄宗皇帝崔孺人生範王德妃生業後宮生隆悌

讓皇帝憲始王永平文明元年武后以睿宗爲皇帝故憲立爲皇太子睿宗降爲皇嗣更稱爲皇孫與諸王皆出閣開府置官屬長壽二年降王壽春與衡陽巴陵彭城三王同封復詔入閣中宗立改王蔡固辭不敢當唐隆元年進封宋睿宗將建東宮以憲嫡長又嘗爲太子而楚王有大功故久不

定憲辭曰儲副天下公器時平則先嫡國難則先
功重社稷也使付授非宜海內失望臣以死請因
涕泣固讓時大臣亦言楚王有定社稷功且聖庶
抗嫡不宜更議帝嘉憲讓遂許之立楚王爲皇太
子以憲爲睢州牧揚州大都督太子太師實封至
二千戶賜甲第物段五千良馬二十奴輝十房上
田三十頃進尚書左僕射又兼司徒讓司徒更爲
太子賓客時太平公主有醜圖姚元崇宋璟白帝
請出憲及申王成義爲刺史以銷釋陰計乃以司
徒兼蒲州刺史進司空玄宗既討定蕭宗之難

憲位太尉增千戶固所更授開府儀同三司解太
尉揚州大都督徙王寧又兼太常卿開元十四年
表解卿父之復爲太尉歷澤岐涇三州刺史累封
至五千五百戶二十九年薨初帝五子列第東都
積善坊號五王子宅及賜第上都隆慶坊亦號五
王宅玄宗爲太子嘗製大衾長枕將與諸王共之
睿宗喜甚及先天後盡以降慶舊邸爲興慶宮
而賜憲及薛王第於勝業坊中岐二王居安興坊
環列宮側天子於宮西南置樓其西巽山花萼相
輝之樓南曰勤政務本之樓帝時時登之聞諸王

作樂必亟召升樓與日榻坐或就幸第賦詩燕嬉
賜金帛侑歡諸王日朝側門既歸即具樂縱飲擊
毬鬪雞馳鷹犬爲樂如是歲月不絕所至輒中使
勞賜相踵世謂天子友悌古無有者帝於敦睦蓋
天性然雖讒邪亂其間而卒無以搖時有鵲鴿千
數集麟德殿廷樹翔棲浹日左清道率府長史魏
光乘作頌以爲天子友悌之祥帝喜亦爲作頌憲
尤謹畏未嘗干政而與人交帝益信重嘗以書賜
憲等曰魏文帝詩西山一何高高高殊無極上有
兩僊童不飲亦不食賜我一丸藥光耀有五色賜

之四五日身體生羽翼朕每言服藥而求羽翼寧
如兄弟天生之羽翼乎陳思王之才足以經國絕
其朝謁卒使憂死魏祚未終司馬氏奪之豈神九
効耶虞舜至聖捨象傲以親九族九族既睦平章
百姓今數千載天下歸善焉此朕廢寢忘食所慕
歎也頃因餘暇選僊錄得神方云餌之必壽今持
此藥願與兄弟共之偕至長齡永永無極也後中
王等相繼薨唯憲在帝親待愈益厚每生日必幸
其第爲壽往往留宿居常無日不賜遺尚食摠監
及四方所獻酒醢異饌皆分餉之憲嘗請歲盡錄

賜目付史官必數百紙後有疾護醫將膳騎相望也僧崇一者療之少損帝喜其賜緋袍銀魚已而疾寢劇薨年六十三帝失聲號慟左右皆泣下帝以憲實推天下有高世之行非大號不稱乃追謚讓皇帝遣尚書左丞相裴耀卿太常卿韋瓘持節奉冊其子璉表陳憲宿素退讓不敢當大號制不許及斂出天子服一稱詔古監門大將軍高力士以手書實靈坐贈妃元爲恭皇后葬橋陵旁及葬敕中使諭璉等送終之具使衆見之示以儉薄所司請如諸陵設千味食內壻中監護使耀卿建言

尚食料水陸千餘種及馬牛驢犢鹿羴鹿鵝鴨魚雁體節之味并藥酒三十名盛夏胎養不可多殺考求禮據無所憑依陛下每申諫帝之志務存約素請蠲省折衷詔可既發引大雨有詔慶王潭等涉塗泥步送十里號其墓曰惠陵憲嘗從帝按舞萬歲樓帝從複道上見衛士已食棄其餘甕中帝怒詔高力士杖殺之憲從容曰從複道上窺人之私恐士不自安且失大体豈以性命輕於餘殮乎帝遽止謂力士曰王於我可謂有急難也不然且誤殺士又涼州獻新曲帝御便生召諸王觀之憲曰

曲雖佳然宮離而不屬商亂而暴君卑逼下臣僭
犯上發於忽微形於音聲播之詠歌見於人事臣
恐一日有播遷之禍帝默然及安史亂世乃思憲
審音云憲本名成器避昭成太后諡與中王成義
俱改今名憲子十九人其聞者璉嗣莊璉璉

璉眉宇秀整性謹絜善射帝愛之封汝陽王歷太
僕知興如具知章褚庭誨梁涉等善薨贈太子太師嗣
莊幼有令名爲太子左諭德封濟陰王薨贈幽州太
都督璉以秘書監爲嗣寧王從天子幸蜀薨璉早有
村望偉儀觀始封隴西郡公從帝幸蜀至河池封

漢中王山南西道防禦使乾元初寧王國公主降回
紇詔璉以特進太常卿持節冊拜回紇爲威遠可
汗璉亦知音嘗早朝過永興里聞笛音顧左右曰
是太常工乎曰然它日識之曰何故卧吹笛工驚
謝又聞康昆崙奏琵琶曰琵琶多聲吉少是未可
彈五十四絃大絃也樂家以自下逆鼓曰琵琶自上
順鼓曰琵琶云肅宗詔收羣臣馬助戰璉与觀少游
等持不可帝怒貶蓬州長史薨贈太子太師諡曰
宣孫景儉

景儉字寬中及進士第彊記多聞善言古成敗王

霸大略高自負於士大夫無所屈王叔文等更奮之以為管仲諸葛亮比叔文敗景儉以母喪得不坐韋夏卿守東都辟幕府憲羣任中丞引為監察御史元和末入朝不見用復為澧州刺史素与元稹李絳善二人方在翰林言其才及延英奉辭景儉自陳見抑遠種宗憐之追詔為倉部員外郎不遺閏月拜諫議大夫性矜誕使酒縱氣語侵宰相蕭俛段文昌訴于帝貶建州刺史稹得君為之助故還為諫議大夫与馮宿揚嗣復温造李肇等集史

官獨孤朗所景儉醉至中書慢罵宰相王播崔植杜元穎吏為遜言厚謝乃去坐貶漳州刺史宿等皆逐矣未及漳鎮輔政改楚州刺史議者謂景儉辱丞相貶未至即遷非是積懼改少府少監悉還宿等景儉既溼陌不得志卒然其為人輕財篤于義既沒士悵悼之

惠莊太子撫本名成義初生武后以母賤欲不齒以母浮屠屠萬回回詭曰此西土樹神宜兄弟后喜乃育之垂拱三年始王相與衛趙二王同封俄改王衡陽睿宗立進王申與岐薛二王同封累遷右

衛金吾二大將軍實封至千戶進司徒兼益州大
都督四為州刺史開元八年停刺史復為司徒薨
冊書贈太子及謚陪葬橋陵為性寬裕儀貌環重
無嗣詔以讓帝子均嗣為懷寧王徙封同安薨天
寶中復以讓帝子瑋嗣

惠文太子範始名隆範玄宗立與薛王隆業避帝
諱去二名初王鄭改封衛俄降封巴陵進王岐為
太常卿并州大都督左羽林大將軍從玄宗誅太
平公主以功賜封與薛王業並滿五千戶歷為州
刺史遷太子太傅開元十四年薨冊書贈太子及謚

庶奔橋陵帝哭之慟徵常膳至累旬羣臣勉請乃
復範好學工書愛儒士無貴賤為盡禮與問朝隱
劉廷琦張諤鄭繇等善常飲酒賦詩相娛樂又聚
書畫皆世所珍者初隋亡禁內圖書湮放唐興募
訪稍稍復出藏祕府長安初張易之奏天下善工
潢治乃密使募死不可辨竊其真藏于家既誅
悉為薛稷取去稷又欺範得之後卒為火所焚謝
馬都尉裴歷已善識鷩坐私與範游徙廢兩建珩
貶雅州司戶諱為山在丞然帝於幼無少聞也諱
左右曰兄弟情天至於我豈有異哉趨競者彊相

附我終不以為織介時王毛仲等起賤微暴貴請
王見必加禮獨範拱之自安子瑾嗣瑾落隄不飭
名檢亦酒色歷太僕卿封河東王暴薨贈太子少
師天寶中復以薛王子略陽公珍為嗣岐王珍儀
觀豐偉為宗正負外卿與尉州鎮將朱勣善勣嘗
言珍似上皇因有陰謀佐語金吾將軍邢濟曰閔
外寇近京師草草奈何濟曰衣金吾天子押衙以
死生從安自脫勣曰見嗣岐王無慮矣濟以聞肅
宗詔廢珍為庶人賜死勣黨皆誅擢濟為挂管防
禦使

思宣太子業始王趙降封中山授都水使者徒
城兼陳州別駕進王薛為羽林大軍將荊州大都
督以好學授秘書監開元初進太子少
保累歷州刺史初好早終從母賢妃鞠之
賢如外邸事之甚謹其女弟淮陽涼國二公
早卒撫甥與已子均帝益愛之嘗被疾
既俞幸其弟置酒賦詩為初生歡帝嘗不豫
弟內直帝賓與殿中監皇甫恂妄言休咎
坐死恂與錦州刺史妃恐降服待罪業亦不敢
謁帝聞遽召之業伏殿下請罪帝趨就執其手曰

吾所猜于元弟者
復位成進司徒二十二年
髮為交
請以事
陪葬橋陵
見瓊等傷之乃下詔共賜實封千戶瓊為樂安王
瑒榮陽王宗正卿瑒為朔薛王歷鴻臚卿天寶中
瑒舅常堅為李林甫所構坐貶夷陵別駕徙置夜
郎南浦及安祿山亂乃還京師
曾孫知柔嗣王再為宗正卿又之擢京兆尹始鄭
共各之遂後燕歡
有疾帝夏之一
閔郊王守
不能食用書加贈及
帝後追思業引

白渠梗墮民不得歲知柔調二輔治復舊道灌漑
如約遂無旱虞民請開請立石紀功知柔固讓得
止加累檢校司徒同中書門下事章事又詔營緝
大廟判度支充諸道鹽鐵轉運使昭宗出城獨
知柔從東輿器用庖餼皆主之大細畢給性儉約
雖近通顯無若第未幾出拜清海軍節度使鎮
廉潔責獻時入進檢校太傅諫侍中仕死四常
為宗室冠卒于鎮

隋王隆悌始封汝南王早薨唐宗追王贈荆湘大
都督爵不傳

贊曰中宗失道身為母所廢棄所執而四子皆不
得其死嗣亦不繼有聖子一德而絕之何邪後固
自絕于天云爾睿亦有聖子一受命一追帝三贈
太子天與之報福通無窮盛德

三宗諸子列傳第六



卷之四